



**«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»
ՀԻՄՆԱԴՐԱՄ**



**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022**

ՀԵՏԱԶՈՏԱԿԱՆ ԱՇԽԱՏԱՆՔ

**ԹԵՄԱԱՌԱԿԸ ՈՐՊԵՍ ՍՈՎՈՐՈՂՆԵՐԻ ԱՐԺԵՀԱՄԱԿԱՐԳԻ ՁԵԱՎՈՐՄԱՆ
ՄԻՋՈՑ ՄԱՅՐԵՆԻԻ ԴԱՍԱՎԱՆԴՄԱՆ ԸՆԹԱՑՔՈՒՄ**

ԱՌԱՐԿԱ	ՀԱՅՈՑ ԼԵԶՈՒ և ԳՐԱԿԱՆՈՒԹՅՈՒՆ
ՀԵՂԻՆԱԿ	ՄԵԼԱՆՅԱ ՀՈՎՀԱՆՆԻՄՅԱՆ
ՄԱՐԶ	ՇԻՐԱԿ
ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ	ՄԱՐԱԼԻԿԻ ԹԻՎ 1 ՄԻՋՆԱԿԱՐԳ ԴՊՐՈՑ

ԲՈՎԱՆԴԱԿՈՒԹՅՈՒՆ

1. ՆԵՐԱԾՈՒԹՅՈՒՆ՝	3
2. Առակը որպես սովորողների արժեհամակարգի ձևավորման միջոց	
ա. Ինչ է արժեհամակարգը և ինչպես է ձևավորվում այն	5
բ. Ժողովրդական բանահյուսություն. առակ.	6
գ. Առաջին առակների հեղինակը.	7
3. Հետազոտական մաս.	9
4. Եզրակացություն.	23
5. Գրականության ցանկ.	24

Ներածություն

Մանկավարժությունը որպես գիտություն զբաղվում է սերունդների կրթության, դաստիարակության եւ զարգացման հիմնախնդիրներով: Կարելի է ասել՝ գիտություն է, որը հետազոտում է կրթության, դաստիարակության եւ զարգացման խնդիրներն ու օրինաչափությունները: [1 էջ 9]

Չէի մեծ մանկավարժ Յան Ամոս Կոմենսկին առաջինն էր որ հիմնավորեց մարդու՝ մինչև նրա կյանքի վերջը կրթելու և դաստիարակելու հարցը: Ժամանակակից մանկավարժության նպատակն է դաստիարակել, կերտել քննադատական միտք ունեցող, ինքնուրույն, ինքնակրթությամբ մշտական զարգացումը կարելորոդ, բարձր պատասխանատվությամբ հասարակության անդամ, անհատ, որը կկարողանա համարձակ ընդառաջ գնալ այն բոլոր մարտահրավերներին, որոնք ընթացող ժամանակը մշտապես դնելու է իր, իր հայրնեխիքի եւ աշխարհի առջեւ:

ԱՇԽԱՏԱՆՔԻ ԸՆԴՀԱՆՈՒՐ ԲՆՈՒԹԱԳԻՐԸ

Հետազոտությունը ներկայացնում է առակներն ու դրանց ուսուցումը հիմնական դպրոցի հինգերորդ դասարանում: Մենք ներկայացնում ենք առակը, որպես ուսուցման կարևորագույն բաղադրիչ և աշակերտների գիտելիքների, հմտությունների ու կարողունակությունների ձևավորմանը նպաստող գործոն:

ԹԵՄԱՅԻ ԱՐԴԻԱԿԱՆՈՒԹՅՈՒՆԸ

Թեմայի արդիականությունը պայմանավորված է նրանով, որ ուսումնասիրության նյութ հանդիսացող առակները տոգորված են հայրենասիրական բարձր ոգով, քարոզում են սեր, հոգատարություն,

համերաշխություն, ընկերասիրություն, եւ նպաստում են երեխաների ժողովրդավարական արժեհամակարգի ձևավորմանը: Այս գործերում մերժվում են սուտն ու կեղծիքը, չարն ու մերժելին , որոնք իսկապես ահռելի թափ են ստացել վերջին ժամանակներում:

ՈՒՍՈՒՄՆԱՍԻՐՈՒԹՅԱՆ ՆՊԱՏԱԿՆ ՈՒ ԽՆԴԻՐՆԵՐԸ

Ուսումնասիրության նպատակն է արդի մեթոդներով ներկայացնել առակների ուսուցումը հինգերորդ դասարանում, սովորողների մեջ ձևավորել մարդկային վեհ արժեքներ՝ հարգանք, ճշտախոսություն, մեծին հարգելու, լավությունը գնահատելու կարողություն:

Արժևորել սիրո, հայրենասիրության, բարու, ազնվության դերը եւ ցույց տալ դաժանության, ստի, անհնազանդության, երախտամոռության վատ հետևանքները:

ՀԵՏԱԶՈՏՈՒԹՅԱՆ ՀԱՐՑԸ

Առակի ուսուցումը որքանով կնպաստի սովորողների ազգային եւ ժողովրդավարական արժեհամակարգի ձևավորմանը:

ՀԵՏԱԶՈՏՈՒԹՅԱՆ ԴՐՈՒՅԹՆԵՐԸ

Առակի ուսուցումը եւ բարոյախոսության ճիշտ ըմբռնումը կնպաստի արժեհամակարգի, կարողունակությունների ձևավորմանը: Կօզնի դաստիարակել լավ մարդ եւ հասարակությանը պիտանի քաղաքացի:

ՀԵՏԱԶՈՏՈՒԹՅԱՆ ՎԵՐՁՆԱՐԴՅՈՒՆՔՆԵՐԸ

- Կարժևորվի առակի ուսուցման դերը հիմնական դպրոցում:
- Առակի ուսուցումը կդիտարկվի այլ տեսանկյունից, կկիրառվեն դասավանդման ժամանակակից մեթոդներ եւ հնարներ:
- Կներկայացվի առակների դերը անհատի զարգացման գործում:
- Կպարզվի, թե առակի ուսուցումը որքանով կնպաստի սովորողների ազգային եւ ժողովրդավարական արժեհամակարգերի ձևավորմանը:



Առակը որպես սովորողների արժեհամակարգի ձևավորման միջոց մայրենիի դասավանդման ընթացքում



1. Ինչ է արժեհամակարգը, և ինչպես է ձևավորվում այն

ԼԻՆԵԼ ՄԱՐԴ-ԱՀԱ ԹԵ ԻՆՉԻՆ ՊԻՏԻ ԲԵՐԻ ԵՐԵՄԱՅԻ ԴԱՍՏԻԱՐԱԿՈՒԹՅՈՒՆԸ

Նիկոլայ Պիրոգով

(ռուս գիտնական, մանկավարժ, վիրաբույժ)

Աշակերտների արժեքային համակարգի ձևավորումը ներառված է ՀՀ պետական չափորոշչում՝ որպես կրթության բովանդակային բաղադրիչ: Յուրաքանչյուր ուսումնական առարկա գիտելիքների պատրաստվածության չափին զուգահեռ նշում է սովորողի արժեհամակարգի ձևավորման չափանիշները: «Արժեհամակարգ» հասկացությունը մանկավարժական գիտության մեջ ընդունվում է լայն շառավղով :Առավել ընդունելի է այն ընկալումը,որ արժեհամակարգը մարդու բարոյական, գեղագիտական, հոգևոր, իմացական, մշակութային, էթնիկական արժեքների համախումբն է, որն անհրաժեշտ է անձի ներդաշնակ և բազմակողմանի ձևավորման և զարգացման համար:

Արժեհամակարգի կարևոր բաղադրիչներից են հայրենասիրությունը, սեփական ժողովրդի պատմությունը, նրա ստեղծած մշակութային արժեքների, գիտական նվաճումների համար հպարտության զգացողություն: Ակտիվ ճանաչողական գործունեության պայմաններում ձևավորված գիտելիքները վերածվում են համոզմունքների և կարողությունների: Այսօր աճող սերնդի դաստիարակությունն ընթանում է տարբեր հանգամանքների ազդեցության ներքո՝

ժողովրդագրական, ազգային, մշակութային, ընտանեական, կրթական, հասարակական, սոցիալական: Հաշվի առնելով այս և այլ բազմաթիվ հանգամանքներ՝ ժամանակակից մանկավարժության համար խնդիր է դառնում սովորողների ազգային գիտակցության ձևավորումը սեփական ժողովրդի պատմության և մշակույթի հենքի վրա՝ չանտեսելով համամարդկային արժեքները:

Նոր սերնդի արժեհամակարգի ձևավորման, կրթության և դաստիարակման գործում լուրջ անելիքներ ունի դպրոցը, որի գերնպատակն է կերտել բարոյական, ազգային արժեքներով օժտված ազգային նկարագիր ունեցող սերունդ: Այս նպատակն իրագործելու համար անհրաժեշտ է ուսումնասիրել և կատարելագործել համաշխարհային և հայրենի գիտությունները, մանկավարժության անցյալի ժառանգությունը և ժամանակակից փորձն ու մեթոդաբանությունը, երեխայի մեջ ձևավորել հոգևոր և մշակութային արժեքներ, պահպանել և փոխանցել այն, ինչ ժառանգել ենք նախնիներից: Ուսումնասիրել մշակութային բարձրարժեք ստեղծագործություններ, որտեղ արտահայտված են մեր ժողովրդի հոգեկերտվածքը, աշխարհընկալումը, մարդասիրական գաղափարները, գալիքի երազանքները, որտեղ նկարագրվում են մեր ազգի հավաքական բնույթը, անդրդվելի կամքը, վերածնվելու, հարատևելու ունակությունը, համախմբվածությունը, բարոյական արժանիքները: Այս ամենն է անհրաժեշտ ավանդել ժամանակակից էթնոկրիին:

2. Ժողովրդական բանահյուսություն. առակ

Մարդկության պատմական զարգացման ընթացքում պատմիչները, գուսանները, աշուղները, սացողները վիթխարի դեր են կատարել՝ ստեղծելով բանահյուսական նմուշներ՝ հեքիաթներ, առակներ, ասացվածքներ՝ ապահովելով սերունդների հոգևոր-մշակութային կերտվածքի ձևավորումը: Բանահյուսությունը յուրաքանչյուր ժողովրդի ստեղծած ազգային հարուստ ժառանգությունն է, ազգային ինքնության նախահիմքը: [2 էջ3]

Առակը ժողովրդական բանահյուսության հնագույն տեսակներից է:

Առակ (առ ակն՝ աչքի առաջ) բարոյախոսական բնույթի գրական ստեղծագործություն է, որտեղ այլաբանորեն ներկայացվում, ծաղրվում և քննադատվում են մարդկանց արատները: Առակը ստեղծվել է կենդանիների մասին պատմող հեքիաթների (կենդանական էպոսի) հիման վրա: Նրա կառուցվածքային առանձնահատկությունները մինչև օրս գրեթե չեն փոխվել: Նրանց մեջ անձիք մարդիկ են՝ այս կամ այն կենդանու կամ բույսի կերպարանքով: Առակների այս այլաբանության

հատկանիշները հիմնված է կենդանիների լայնորեն հայտնի գծերի՝ աղվեսի խորամանկության, գայլի ազահության, էշի հիմարության, նապաստակի վախկոտության, առույծի ուժի հաշվառման վրա: [3 էջ 288]



Փարի
- Յարգարժան էջ երայրներ, և զարմանամ, ինչպես չէր հաբարտանար ինձմով: Ես թարեմիտ եմ թարեսիրտ թագաւոր մըն եմ, միջոտ ձեր մասին կը մտածմմ ու կը ցանա երջանկացնել ձեզ: Ապերախտութիւն կ'ընէք: Իսկո կը հրածարիմ գահես եւ թագե եթէ ձեր մեջէն ոեւէ մէկը, հիմա սա պահուն դժգոհի ինձմէ:

Առակի վերջում հեղինակը դրսևորում է իր հատուկ վերաբերմունքը նկարագրածի հանդեպ, որն էլ առակի բարոյախոսությունն է:

Անտիկ շրջանում և միջնադարում առակները արձակ ժանրի ստեղծագործություններ էին, սակայն հետագայում դրանք սկսեցին գրվել նաև չափածո:

Առակի վարպետներ են Եզոպոսը, Ֆեդրոսը, Ժան դը Լաֆոնտեն, Իվան Կռիլովը, հայ հեղինակներից Մխիթար Գոշը, Վարդան Այգեկցին, Խնկո Ապերը և ուրիշներ: Առակի հերոսը մարդն է, ում կյանքի, բնավորության հոռի, բացասական գծերը ծաղրվում են այլաբանորեն: Առակներում բույսերը, կենդանիները խոսում են մարդկային լեզվով, աշխատում, օգնում կամ խանգարում են միմյանց: Առակներում գովաբանվում և խրախուսվում են լավը, բարին, բարոյականությունը, ջանասիրությունը, հայրենասիրությունը, ծաղրվում ու դատապարտվում վատը, սգեղը, դավաճանությունը, վախկոտությունը:

Հնում <<առակ>> բառը նշանակել է նաև խրատ, իմաստություն: Այդպիսիք են Աստվածաշնչում պահպանված Սողոմոնի առակները, որոնք մեծ ազդեցություն են թողել գրեթե բոլոր ժողովրդների մտածելակերպի վրա:

3. Առաջին առակների հեղինակը

Մինչև օրս պահպանված աղբյուրների համաձայն առաջին առակների հեղինակը եղել է ստրուկ Եզոպոսը Մամուս կղզուց: Ըստ որոշ աղբյուրների՝ նրա տերը կոչվում էր Յադմոն, մյուսների համաձայն՝ Քսանթ: Եզոպոսը դարեր շարունակ հայտնի դարձավ իր արտասովոր մտքով և

իմաստությամբ, տիրոջը կարևոր խորհուրդներ տալու ունակությամբ ,որի համար նրան ազատություն է շնորհվել: Եզոպոսի առակների առանձնահատկությունն այն է, որ այլաբանորեն նկարագրում էր իր տիրոջ հուզիչ իրավիճակը և դրանից դուրս գալու ճիշտ ելքը: Եզոպոսի առակներն իրենց սկզբնական տեսքով չեն պահպանվել: Դրանք հետո փոխանցվել են բերանից բերան, սերնդեսերունդ և գեղարվեստորեն մշակվել և գրվել լատիներեն և հունարեն մեր դարաշրջանի բանաստեղծների կողմից(Phaedrus-I դար), Բաբրիուս –II դար և Avian-V դար);[4]

Եզոպոսի առակները հայ ընթերցողին հասանելի են դառնում VII-դարում հայերեն թարգմանությունների միջոցով :

Հայ գրավոր գրականության մեջ առակները թափանցել են միջնադարի գիտնական, պետական գործիչ և մանկավարժ Գրիգոր Մագիստրոսի միջոցով:

Հայ գրավոր գրականության մեջ առակները թափանցել են միջնադարի գիտական , պետական գործիչ և մանկավարժ Գրիգոր Մագիստրոսի միջոցով: Նա իր թղթերում օգտագործել է ամենատարբեր առակները:

Ինչպես երևում է իր նամակներից ,նա պատվիրում է դպրոցներում աշակերտներին սովորեցնել քերականության և ճարտասանության հետ նաև առասպելավարժություն, այսինքն՝ աշակերտներին գրել, անգիր անել և մեկնաբանել որոշ առակները,որոնք շատ հարմար վարժություններ են եղել ապագա մեկնաբաններ պատրաստելու համար:

Այսպես, 12-13-րդ դարերում արդեն հանդես են գալիս նշանավոր առակագիրները Մ.Գոշը և Վ. Այգեկցին:



Առակը որպես գրական տեսակ ստեղծվեց, քանի որ մարդ արարածը սիրում է սովորել օրինակով, ընդօրինակելը նրա համար ավելի հեշտ է , քան վերացական խրատը:

Այն դաստիարակչական նպատակ ունեցող գրական տեսակ է և օգնում է մարդուն իրական կյանքում ավելի հեշտ ապրելու,և առակները այս առումով սիրված են և շարունակում են մնալ:

Առակները իրենց ծավալի սեղմությամբ և իմաստի ընդարձակությամբ մոտենում են առածներին և հանդիսանում են նրանց հիմնավորումն ու մեկնաբանությունը: Երբեմն շատ առակներ ավարտվում են առածներով .«Հմեն գահ տերտեր գաթա չուտեր >>, «Աշխարք առաջվա աշխարք չէ>>, «Քոռ գրելու աստվածն եմ ապավինել>>:[3էջ300] Ուսուցիչը պետք է ուշադրություն դարձնի ոչ միայն գիտելիք հաղորդելու խնդրին, այլև երեխաների բարոյական դաստիարակության հարցերին, նրանց արժեհամակարգի ձևավորմանը:

Հետազոտական մաս

Հինգերորդ դասարանի աշակերտներն օժտված են ստեղծագործական մտածողությամբ, որը պետք է զարգացնել: Այդ պատճառով էլ նրանց համար նախատեսված «Մայրենիի» դասագրքերի հիմնական բովանդակությունը հրաշապատումային է՝ ներկայացված գունագեղ նկարազարդումներով, ժողովրդական բառ ու բանով՝ առածներով ու ասացվածքներով, դարձվածքներով ու թեւավոր խոսքերով, առակներով ու հեքիաթներով:

Հիմնական դպրոցում առակի ուսուցման ընթացքում անհրաժեշտ է նկատառել հետևյալ նրբությունները.

1. Նպատակահարմար չէ աշակերտներին անմիջաբար «հրամցնել» առակի այլաբանական եւ փոխաբերական իմաստները. սովորողն ինքը պետք է բացահայտի եւ վերլուծի առակի բարոյախրատական ուղղվածությունը, հասկանա, թե առակի մեջ որն է իրականը, որը՝ երեւակայականը:

2. Բարոյախրատական իմաստի բացահայտումից հետո ցանկալի է համապատասխան խորհուրդ ունեցող առածների եւ ասացվածքների միջոցով ամրակայել սովորողների գիտելիքները:

3. Հարկավոր է ոչ միայն դերերով կարդալ առակը, այլև բեմականացնել նրա բովանդակային հատվածները:

Ժողովրդական ստեղծագործությունները ուսուցանվում են երկու հիմնական փուլերով՝ բովանդակության հաղորդմամբ եւ երեւակայական կողմի բացահայտմամբ: Այժմ կրթական համակարգը, ուսուցման մեթոդները եւ տեղեկատվական տեխնոլոգիաները ընձեռում են բազմաթիվ հնարավորություններ դասը հետաքրքիր, գունեղ, տարբերվող ու բովանդակալից դարձնելու համար: Հատկապես առակների ուսուցումը կարելի է կազմակերպել օգտվելով այս հնարավորություններից:

Դասագրքում առաջինը ներկայացված է Վարդան Այգեկցու «Առյուծ ու մարդ» առակը: Առակի հիմնական գաղափարը մեծի խոսքն ու խրատը լսելն է: Մեծերը միշտ երեխաների լավն են

ցանկանում եւ նրանց խորհուրդները միշտ օգտակար են երեխաների համար: Առյուծը նստել էր ճանապարհին, եւ զարմացած հետեւում էր թե ինչպես են տեսակ-տեսակ գազաններ դողալով գալիս եւ անցնում: Առյուծի այն հարցին թե ինչու են նրանք այդպես փախչում, գազանները պատասխանում են, որ մարդն է գալիս: Ինքնահավան առյուծը մնում է իր տեղում եւ ծաղրում հողագործին: Նա առաջարկում է մարդուն կռվել, եւ մարդը համաձայնում է: Քանի որ << զենքերը>> իր մոտ էին, մարդն առաջարկում է նրան կապել ծառին, որ չփախչի, մինչեւ ինքը գնա իր զենքերի հետեւից: Առյուծը համաձայնվում է: Մարդը նրան կապում է ծառից, մի բիր կտրում եւ սկսում ծեծել առյուծին: Առյուծը ցավից մոնչալով գոռում է «-Եթե դու մարդ ես, ավելի խիստ եւ անխնայ՝ զարկիր իմ կողերին, որովհետեւ այս խելքին այդպես է վայել»: [5 էջ 142] Այս գաղափարն արտահայտող առակներ ունի նաեւ Եզոպոսը: Նրանցից մեկը կոչվում է «Մարդը, առյուծն ու նրա կորյունը»: Մի ամառի վայրում մարդ էր ապրում եւ ամենուր ծուղակներ դնում: Առյուծը այլ ելք չունենալով թողնում եւ իր կորյունի հետ հեռանում է: Երբ կորյունը մեծանում է, հարցնում է հորից, իրենք Յբնի՞կ են, թե՞ ոչ: Հայրը պատմում է, թե ինչպես են հեռացել իրենց տնից: Կորյունը, չլսելով հորը, գնում է վրեժ լուծելու մարդուց: Նա մեղադրում է եզին ու ձիուն, որ ենթարկվում են մարդուն: Հանդիպում է մարդուն, եւ նրանք որոշում են գնալ առյուծի մոտ դատի, բայց պայմանով, որ ճանապարհին իրար չեն վնասի: Մարդը, շեղվելով ճանապարհից, գնում է թակարդների կողմը: Կորյունը դիմացի թաթերով ընկնում է թակարդի մեջ, հետո այնքան է շարժվում, որ ետեւի ոտքերն էլ զցում է թակարդի մեջ: Այդ ժամանակ մարդը մի մահակ է կտրում եւ ծեծում կորյունին: «Կորյունը խնդրում է մարդուն, որ մարդը իր գլխին ու ականջներին խփի, քանի որ չլսեց իր հորը եւ դրա համար չարաչար պատժվեց: Մարդը լսեց եւ այնքան հարվածեց գլխին ու ականջներին, որ նա շունչը փչեց»:[6 էջ 257]

Վերնում ներկայացված առակի ուսուցումը կարելի է կազմակերպել ԽԻԿ (խթանում, իմաստավորում, կշռադասում) համակարգով: Դասի նպատակներն են՝ արժեւորել խելքի դերը եւ թույլ տալ, որ սովորողներն ինքնուրույն հանգեն այն եզրահանգման, որ կյանքում նպատակներին հասնելու համար ոչ միայն ուժ, այլ խելք է անհրաժեշտ:

Խթանման փուլում կարելի է կիրառել «Հինգրոպեանոց շարադրանք» մեթոդը: Սովորողներին հանձնարարել գրել իրենց կարծիքով որն է ավելի կարեւոր՝ ո՞ւժը, թե՞ խելքը: Իմաստավորման փուլում կարելի է կիրառել «Բանավեճ» մեթոդը: Սովորողները բաժանվում են երկու խմբի: Առաջին խմբում այն աշակերտներն են, ովքեր մտածում են, որ կարեւոր է ուժեղ լինելը: Երկրորդ խմբում այն աշակերտներն են, ովքեր մտածում են, որ կարեւոր է խելացի լինելը:

Խմբերին տրամադրվում է տասնհինգ րոպե ժամանակ, որի ընթացքում յուրաքանչյուր խումբ պետք է բերի համապատասխան փաստարկներ եւ ապացուցի իր տեսակետը: Այնուհետեւ ուսուցիչը

կարողում է առակը, քննարկման միջոցով վեր են հանում առակի բարոյախոսությունը, կատարում տեքստային աշխատանք: Կշռադատման փուլում «Քառաբաժան» մեթոդի միջոցով ներկայացնում են իրենց տեսածը, լսածն ու զգացածը, հայտնում իրենց կարծիքը կարդացածի մասին:

<u>Ի՞նչ տեսա</u>	<u>Ի՞նչ լսեցի</u>
<u>Ի՞նչ զգացի</u>	<u>Կարծիք կարդացածի վերաբերյալ</u>

Կատարել անդրադարձ եւ պարզել թե սովորողներն ի՞նչ նոր բան սովորեցին, ի՞նչը լավ արեցին այդ օրը: Յուրաքնչյուր առակի բարոյախոսությունը, գաղափարը կարելի է արտահայտել ասացվածքների, թեւավոր խոսքերի միջոցով:

Օրինակ այս առակի պարագայում կարելի է ասել «Ուժի հետ մեկտեղ խելք է անհրաժեշտ»: Անհրաժեշտ է թողնել, որ աշակերտն ինքը կատարի եզրահանգում:

Ադոլֆ Դիստերվերգը ասել է «Վատ ուսուցիչը ճշմարտություններ է հաղորդում, իսկ լավ ուսուցիչը սովորեցնում գտնել դրանք»:

Վաղուց ապացուցված է, որ ավելի մնայուն է սեփական ջանքերով ձեռք բերված գիտելիք: Ուսուցչի գերխնդիրը պիտի լինի դրդել աշակերտին աշխատել, սեփական ուժերով բացահայտել, վերլուծել եւ ուսումնասիրել գիտելիքների հարուստ գանձարանը, անել սեփական դատողություններ եւ հանգել եզրահանգումների:

Հանձնարարել տնային աշխատանք դասագրքից:

Հաջորդ առակը Հովհաննես Շիրազի «Մարգարիտն ու փրփուրը» առակն է:



Առակի հիմնական գաղափարը համեստությունը, սեփական արժեքը գնահատելն է: Ծովի երեսին ելած փրփուրը սկսում է գովերգել ինքն իրեն, նսեմացնել մարգարիտի արժեքը, որը գտնվում էր ծովի հատակին:

Բայց այսպես խոսեց փրփուրն այդ մասին.

— Ինչո՞ւ տեղ չունես ծովի երեսին,

Թե մարգարիտ ես... Էլ ի՞նչ մարգարիտ,

Ես եմ մայր ծովի գանձը ճշմարիտ,

Որ միշտ ջրերի երեսն եմ ելնում,

Ո՛հ ես եմ փայլում,

Եվ կյանքը վայելում⁵ էջ144]

Բայց մի փոքրիկ քամին փրփուրը ցրեց եւ նրա հետքն էլ չմնաց: Նույն էլ մարդկանց պարագայում է. ինքնահավան, չարամիտ մարդիկ չեն կարողանում հաջողության հասնել, իսկ ծանրակշիռ, հանգիստ, համբերատար ու ազնիվ մարդիկ միշտ հասնում են հաջողությունների: Այս դասի ընթացքում աշակերտները սահիկաշարերի միջոցով կձանոթանան մարգարիտ քարի պատմությանն ու օգտակար հատկություններին, կընթերցեն Հովհաննես Շիրազի «Մարգարիտն ու փրփուրը» բանաստեղծությունը, քննարկում-գրույց կանցկացնեն բարու եւ չարի, արդարության եւ անարդարության, համեստության եւ գոռոզության մասին:

Խթանման փուլում կարելի է օգտագործել անակնկալ հարցադրում մեթոդը եւ աշակերտների հարցնել, թե իրենց կարծիքով ի՞նչ հատկանիշներով պետք է օժտված լինի լավ մարդը: Այնուհետեւ առաջարկել ասել, թե ինչ կապ կարող է ունենալ այդ հարցը ուսումնասիրվելիք նյութի հետ: Իմաստավորման փուլում, ուսուցչի կարդալուց հետո, սկսում է քննարկում, որի ընթացքում արժեւորվում են համեստությունն ու ազնվությունը եւ քննադատվում կեղծիքն ու եսասիրությունը:

Քննարկման ավարտից հետո կարելի է կիրառել Վենի դիագրամ մեթոդը: Մի կողմում ներկայացնել մարգարիտ-մարդուն, իսկ մյուս կողմում՝ փրփուր մարդուն:

<u>Մարգարիտ մարդ</u>	<u>Փրփուր մարդ</u>


Կշռադատման փուլում կարելի է կիրառել գրույց մեթոդը եւ սովորողներին տալ հնարավորություն, որ նրանք ազատ արտահայտվեն, ներկայացնեն իրենց կարծիքն ու դիտարկումները թեմայի վերաբերյալ: Նյութն ուսումնասիրելուն զուգահեռ կատարվում է նաեւ բառային աշխատանք, բացատրվում են անծանոթ բառերը, վերհիշում անցած քերականական նյութը: Աշակերտները լրացնում են առցանց գործիքով կազմված հարցաշար: Հանձնարարվում է տնային աշխատանք, որը կարող է լինել եւ՝ դասագրքից, եւ՝ դրանից դուրս:

Հաջորդ առակը, որը զետեղված է դասագրքում Աթաբեկ Խնկոյանի «Խխունջն ու սունկը» առակն է:



Այս առակում սունկի վրա նստած խխունջը բողբոջում է ճպուռի թռչկոտելուց, թիթեռների թռչելուց, թռչունների ծվվալուց: «-Է՛, քուրի՛կ խխունջ,- հառաչում է սունկը,- գիտե՞ս՝ ինչո՛ւ ենք լուռումունջ մնացել էստեղ. ո՛չ թռչել գիտենք եւ ո՛չ էլ երգել»[5 էջ148]Յուրաքանչյուր առակ ունի բարոյախրատական ահռելի նշանակություն: Առակի լիարժեք ու մանրակրկիտ ուսումնասիրությունը հսկայական ազդեցություն ունի աշակերտների ժողովրդավարական արժեհամակարգի ձեւավորման հարցում:

Այս առակում հեղինակը քննադատում է եսասիրությունը, նախանձն ու չկամությունը: Խթանման փուլը սկսել «Մտագրոհ» մեթոդով, որի ընթացքում ուսուցիչը գրատախտակին գրում է նախանձ բառը, իսկ աշակերտները նշում են այն բառերը, որոնք իրենց մտքում ասոցացվում են նախանձ բառի հետ:



Իմաստավորման փուլում աշակերտներին հանձնարարել մտաբերել այնպիսի ստեղծագործություններ, որոնց հիմնական գաղափարը համապատասխանում է առակի բարոյախոսությանը, համեմատել դրանք, առանձնացնել շարադրանք մեթոդը եւ հանձնարարել աշակերտներին ներկայացնել եսասիրության վատ կողմերը եւ ներկայացնել կատարյալ մարդու իրենց իդեալը:

Հաջորդիվ ներկայացվում են Եզոպոսի «Աղվեսն ու հովազը», «Գայլերն ու ոչխարները» եւ «Ուհեւորներն ու սուսին» առակները: Առաջին առակում աղվեսն ու հովազը վիճում են, թե իրենցից ով է ավելի գեղեցիկ: Հովազը պարծենում է իր նախշավոր մորթիով, իսկ աղվեսը նրան պատասխանում է. «Ես քեզանից շատ ավելի գեղեցիկ եմ, քանի որ ոչ թե մարմինս է նախշուն, այլ հոգիս է ճարտար ու ճկուն»[5էջ150]

Առակի հիմնական գաղափարը այն, որ խելքն ու մտքի ճկունությունը ֆիզիկական գեղեցկությունից առավել կարեւոր եւ ցանկալի են:

Խթանման փուլում գրատախտակին գրել «Ոչ թե նա է ուժեղ, ով ուժ ունի, այլ նա, ով...» նախադասությունը եւ հանձնարարել աշակերտներին շարունակել այն եւ ներկայացնել սեփական կարծիքը: Աշխատելու համար տրամադրել երեք թույլ ժամանակ: Երբ աշխատանքը կավարտեն կազմակերպել քննարկում, զուգադրել կարծիքները: Իմաստավորման փուլում կադալ առակը, քննարկել եւ արժեւորել առակի բարոյախոսական գաղափարը: Այնուհետեւ «Երկայուն աղյուսակ» մեթոդի կիրառումով ներկայացնել հովազի եւ աղվեսի կերպարները:

Հովազ	Աղվես

Քննարկման միջոցով աշակերտներին ուղղորդել հասնելու այն եզրահանգման, որ գիտելիքն ու խելքը շատ կարեւոր գործոններ են կյանքում հաջողության հասնելու ճանապարհին: Այս առակի ուսուցման ժամանակ կարելի է արժեւորել գիտելիքի, սովորելու, աշխատանքի դերը մարդու կյանքում եւ ցույց տալ չսովորելու, ծուլության վատ հետեւանքները:



«Գայլերն ու ոչխարները» առակում հեղինակն այլաբանորեն ներկայացնում է թշնամուն վստահելու եւ հարազատին դավաճանելու հետեւանքները: Այս առակում արժեւորվում են հավատարմությունը, ազնվությունը եւ դրվատվում են կեղծիքն ու շահամոլությունը: Գայլերը կարողանում են համոզել ոչխարներին, որ իրենց թշնամանքի պատճառը շներն են: Նրանք պնդում են, որ եթե շները չլինեն, իրենք հաշտ ու խաղաղ կապրեն: Հավատալով գայլերի խոսքերին՝ ոչխարները հանձնեցին շներին:



Եվ այն ժամանակ գայլերը, որ ավելի ուժեղացել էին, առանց դժվարության հաշվեհարդար տեսան անպաշտպան հոտի հետ:

Մեր ժողովուրդը դարեր շարունակ արյան գնով է պաշտպանել իր ապրելու իրավունքը: Մեր օրերում շատ կարեւոր է, որ մենք դաստիարակենք հայրենասեր, գիտակից եւ խելացի աշակերտներ, ովքեր մեր ապագայի երաշխավորն են լինելու:

Խթանման փուլում կարելի է կիրառել «Խառնված հերթականություն» մեթոդը: Սովորողներին բաժանել թերթիներ, որոնց վրա գրված է Վարդան Այգեկցու «Գայլերն ու այծերը» առակը խառնված հերթականությամբ եւ հանձնարարել վերականգնել ճիշտը: Իմաստավորման փուլում կարելի է կիրառել «Մտածի՛ր-գուգադի՛ր-մտքեր փոխանակի՛ր» մեթոդը: Աշակերտներին տալ նախապես կազմված, բաց հարցեր, եւ հանձնարարել կարճ պատասխանել դրանց: Այնուհետեւ աշակերտները գույգեր են կազմում եւ միմյանց հետ մտքեր փոխանակում՝ փորձելով գտնել այն պատասխանը, որը ամբողջացնում է իրենց երկուսի պատասխանները:

Հարցերի ցանկ

- Բացատրե՛ք՝ ինչու գայլերը շների ներկայությամբ չէին մոտենում ոչխարներին:
- Բացատրե՛ք՝ ինչպես կարողացան գայլերը խաբել ոչխարներին:
- Ո՞րն է առակի հիմնական գաղափարը:
- Ի՞նչ կլիներ, եթե գայլերը չլսեին ոչխարներին:

Կշռադատման փուլում կարելի է կիրառել «Քառաբաժան» մեթոդը

Աշակերտները կլրացնեն աղյուսակը, կխոսեն իրենց զգացածի, լսածի, տեսածի մասին, կարտահայտեն իրենց կարծիք ստեղծագործության վերաբերյալ: Մեթոդը բավականին արդյունավետ է եւ նպատակահարմար հիմնական դպրոցի աշակերտների ստեղծագործական մտածողությունը զարգացնելու համար:

Վերջում կարելի է անդրադարձ կատարել, պարզել թե աշակերտները որքանով են յուրացրել նյութը եւ ինչ արժեհամակարգ է ձեւավորվել:

«Ուղեւորներն ու սոսիս» առակում ուղեւորները, կեսօրվա շոգից հոգնած, ճանապարհ էին գնում: Նրանք տեսան սոսի ծառը եւ պառկեցին նրա ստվերում հանգստանալու: Նրանք սկսեցին խոսել ծառի մասին եւ նշել, որ այն անպտուղ է եւ մարդկանց համար անօգուտ: Սոսին նրանց ապերախտ անվանեց, քանի որ օգտվում են իր հովանուց եւ նույն պահին իրեն անպտուղ անվանում: Այստեղ այլաբանորեն ներկայացվում է մարդու բարությունը, հյուրընկալությունն ու ազնվությունը, ինչին հեղինակը հակադարձում է մյուսների ապերախտությունն ու եսասիրությունը: Ցավոք, մեր իրականության մեջ շատ են դեպքերը, երբ ուրիշներին լավություն անող մարդն անգամ շնորհակալության չի արժանանում:

Խթանման փուլում կարելի է կիրառել «**Բանալի բառեր**» մեթոդը: Ուսուցիչը թվարկում է ուսումնասիրվելիք թեմային վերաբերող բանալի բառեր, իսկ աշակերտները փորձում են գուշակել, թե ինչի մասին է կամ ինչ են ուսումնասիրելու այս դասին: Թեմային վերաբերող բանալի բառերն են՝ երախտամոռություն, հյուրընկալություն, եսասիրություն, բնություն, օգնություն:

Իմաստի ընկալման փուլում նպատակահարմար է օգտագործել «**Երկայուն աղյուսակ**» մեթոդը:

Մասի	Ուղևորներ

Լրացնելուց հետո աշակերտները ներկայացնում են իրենց կարծիքները, քննարկում, զուգադրում են մտքերն ու վերհանում առակի հիմնական բարոյախոսական իմաստը:

Կշռադատման փուլում կարելի է օգտագործել «Հինգրոպեանոց շարադրանք» մեթոդ, եւ հանձնարարել աշակերտներին գրել, ըստ իրենց, ինչ պիտի անեին ուղևորները եւ արդյո՞ք ծառը ճիշտ պատասխանեց նրանց: Կատարել անդրադարձ եւ աշակերտներին տալ հետեւյալ հարցերը՝

- Ի՞նչ արեցիք դուք այսօր:

- Ինչո՞ւ:

Աշակերտներին հանձնարարվում է գրավոր աշխատանք, որը կարող է լինել ինչպես դասագրքից, այնպես էլ ստեղծագործական աշխատանք: Օրինակ՝ այս դասի պարագայում կարելի է հանձնարարել ինքնուրույն գրել որեւէ առակ, որի հիմնական բարոյախոսական իմաստը կհամապատասխանի իրենց ուսումնասիրած առակին, ինչպես նաև առակի հատվածի տեսապատկերը նկարել:

Այս ընթացքում աշակերտները ուսումնասիրում են «Տողադարձ» թեման: Առակի բարոյախոսության ուսումնասիրմանը զուգընթաց, կարելի է ամեն դասին խոսել տողադարձի մասին, անընդհատ բերել օրինակներ, ուսումնասիրել տողադարձի տեսակները: Աշակերտներին ամեն դասի ընթացքում տրամադրել հինգ րոպե ժամանակ, բաժանել նախապես ընտրված բառերով թերթիկներ, որոնց վրա գրված բառերը աշակերտները պիտի տողադարձեն բոլոր հնարավոր տարբերակներով, բաժանեն վանկերի եւ որոշեն վանկի տեսակը: Աշակերտներին հանձնարարել տանը առակից դուրս գրել բազմավանկ բառեր եւ տողադարձել բոլոր հնարավոր ձևերով:

Հաջորդիվ ներկայացվում է Ավետիք Իսահակյանի «Կյանքից թանկ բանը» առակը:



Վիրավոր աղավնին ընկած էր աղբյուրի մոտ: Փերին նրանից խնդրում է այն, ինչ թանկ է իր համար, դրա փոխարեն խոստանալով փրկել աղավնու կյանքը: Աղավնին մտածում է, որ պարիկը իր կյանքն է վերցնելու, բայց համաձայնում է նրա առաջարկին: Երբ աղավնու վերքերը բուժվում են, եւ նա սկսում է ճախրել, պարիկը նրանից խնդրում է թելերը: Աղավնին խնդրում է վերցնել իր կյանքը, քանի որ առանց թռիչքի կյանքը գին չունի:

-Թո՛ր, սիրելի՛ս, ազատ ու վայրի,

Թո՛ր ու ասա ստրուկ աշխարհքին,

Թե ինչն է թանկը կյանքից ավելի,-

Ասաց ջրերի լուսեղեն ոգին:

Աղավնին ստեղծված է ճախրելու համար եւ ազատության խորհրդանիշն է:

Կյանքն առանց ազատության իմաստ չունի: Առանց ճախրանքի ապրել չի լինի:

Անհնար է մարդուն գրկել ազատությունից եւ մտածել, որ նա կարող է երջանիկ լինել, ապրել իարժեք կյանքով:

Ազատություն, անկախություն, հայրենիք, միասնականություն. ահա այն կարեւորագույն արժեքներից մի քանիսը, որոնք կարեւոր նշանակություն ունեն անհատի եւ պետության ոյատեւման հարցում: Առակի գլխավոր գաղափարը հենց այս արժեքների արժեւորում է: Աղավնու համար թելերը, որոնք ազատության խորհրդանիշն են, վեր են ամեն ինչից, թանկ են նույնիսկ կյանքից:

Առակի ուսուցումը կազմակերպել ԽԻԿ համակարգով: Խթանման փուլում կիրառել «Մտագրոհ» մեթոդը: Գրատախտակին գրել ԱԶԱՏՈՒԹՅՈՒՆ բառը եւ հանձնարարել աշակերտներին նշել այն բառերը, որոնք առաջինն են ասոցացվում այդ բառի հետ:

Իմաստավորման փուլում կարելի է կիրառել «Բանավեճ» մեթոդը: Դասարանը բաժանել երկու խմբի: Յուրաքանչյուր խմբի հանձնարարել ներկայացնել, թե ըստ իրենց՝ որն է կյանքում ամենակարևոր արժեքը: Աշխատանքի համար տրամադրել տասը թույլ ժամանակ: Ժամանակի ավարտից հետո խմբերը ներկայացնում են իրենց աշխատանքը, կատարում քննարկում: Վերջին՝ կշռադատման փուլում կարելի է կիրառել «Հնգրուպեանոց շարադրանք» մեթոդը: Սովորողներին տալ հինգ թույլ ժամանակ իրենց մտքերն արտահայտելու հետևյալ թեմայի շուրջ.

«Ի՞նչ կանեի ես Ադալնու փոխարեն»: Կշռադատման փուլի վերջում կարելի է կատարել անդրադարձ, բաժանել երեխաներին անդրադարձի թերթիկ եւ տրամադրել հինգ թույլ, այն լրացնելու համար:


Առակների ուսուցումը պետք է զուգակցել բառային եւ ուղղագրական աշխատանքների հետ: Անհրաժեշտ է մանրակրկիտ ուսումնասիրել գրական ստեղծագործությունը, բառարաններից կամ ուսուցչի օգնությամբ գտնել անծանոթ բառերի բացատրությունը, կազմել հոմանիշային ու հականիշային զույգեր: Առանց հայոց լեզվի անհնար է պատկերացնել գրական երկի ուսումնասիրությունը, անհրաժեշտ է այս երկու առարկաները միաձուլված ուսումնասիրել, որպեսզի հասնենք որոշակի արդյունքի:

«Տերեւներն ու արմատները» առակը մեծին հարգելու, արմատներն արժևորելու, նրանց (տատ ու պապ, ծնողներ) դերը մեր կյանքում գնահատելու մասին է:

Առակի ուսուցման ժամանակ խթանման փուլում կարելի է գրատախտակին գծել ծառ եւ առաջարկել համեմատելով ընտանիքի հետ անվանել ծառի մասերը (արմատներ-պապ,տատ, ծառի բուն-ծնողներ, սաղարթ-երեխաներ), անցկացնել քննարկում: Այս եղանակով ներկայացումը հնարավորություն կտա սովորողների մոտ ձևավորել մեծին հարգելու եւ նրանց դերը ընտանիքի ամբողջան հարցում գնահատելու կարողություն:

Իմաստավորման փուլում կարելի է կիրառել «Վենի դիագրամ» մեթոդը:

Դասարանը բաժանել խմբերի եւ խմբային աշխատանք կատարել, իսկ աշխատանքի ավարտից հետո քննարկման միջոցով ամբողջացնել աշխատանքը:



Կշռադատման փուլում կարելի է կիրառել «Քառաբաժան» մեթոդը, որի ընթացքում աշակերտները կներկայացնեն իրենց տեսածը, լսածն ու զգացածը, կառաջարկեն նոր վերնագիր:

Առակների կարեւորությունը ուսուցման գործընթացում արժեւորելիս կարելի է հիշել միայն, որ Հիսուս Քրիստոսն իր խոսքն առավել հասկանալի դարձնելու համար հաճախ խոսում էր առակներով: Նրա առակները իրական կյանքից վերցված պատմություններ են:

Դասագրքում ներկայացված է «Մարդը, որը ներել չէր ուզում» առակը:

Առակը ներողամտության, ուրիշներին օգնելու, մարդկանց դրության մեջ մտնելու եւ վատ վիճակից հանելու մասին է: Կյանքը բուսեցանգ է, եւ մեր արած ամեն լավ կամ վատ արարք նույն կերպ վերադառնում է մեզ: Ինչպես ասել է մեծն Թոմասյանը «մարդու գործն է միշտ անմահ», եւ այս կյանքում մեր արարքներն են կերտում մեր դիմագիծը: Շատ կարեւոր է, որ աշակերտները այս

տարիքում հասկանան ու ամբողջովին յուրացնեն առակի գաղափարը, քանի որ այս արժեքները հսկայական նշանակություն ունեն անհատի արժեհամակարգի, ընդհանրապես մարդու բարոյական եւ հոգեկան ճիշտ զարգացման հարցում:

Առակի ուսուցման դասը կազմակերպել ԽԻԿ համակարգով: Խթանման փուլում կարելի է կիրառել «Անակնկալ հարցադրում» մեթոդը եւ աշակերտներին տալ հետեւյալ հարցը՝

- Եթե ընկերդ սխալ է գործել, ի՞նչ ես անում:

Լսել սովորողների կարծիքները, փոքրիկ քննարկում անցկացնել:

Իմաստավորման փուլում կարդալ առակը եւ կատարել համապատասխան բառային եւ քերականական աշխատանք: Այնուհետեւ առանձնացնել գլխավոր գաղափարը, բարոյախոսությունն արտահայտող մասն ու դրա շուրջ քննարկում կազմակերպել:

Կշռադատման փուլում դերային խաղ կազմակերպել, որի ժամանակ սովորողները ավելի խորությամբ կուսումնասիրեն թեման, կքննարկեն ընկերների հետո:

Վերջում կատարել անդրադարձ, հանձնարարել տնային աշխատանք:

Դասագրքում զետեղված վերջին առակը Եզոպոսի «Գյուղացին եւ իր որդիները» առակն է:



Միասնություն, համերաշխություն. ահա այն զենքերը, որոնք կօգնեն հաղթել ցանկացած չարիքի, ահա սա է առակի հիմնական բարոյախոսական իմաստը: Մինչ առակի ուսուցմանն անդրադառնալը կարելի է փոքրիկ զրույց անցկացնել աշակերտների հետ, խոսել ընտանիքի, պետության, հայրենիքի մասին: Թույլ տալ, որ նրանք ինքնուրույն ներկայացնեն այս հասկացությունները: Իմաստավորման փուլում կարելի է կիրառել «Կանխագուշակումների աղյուսակ» մեթոդը, առակը կարդալ հատվածաբար եւ լրացնել աղյուսակը: Կշռադատման փուլում կիրառել «Հինգրուպեանոց շարադրանք» մեթոդը, եւ հանձնարարել աշակերտներին ներկայացնել ընտանիքի իրենց իդեալը: Կատարել ամփոփում եւ եւս մեկ անգամ անդրադառնալ թեմային:

Առակների բարոյախոսության ճիշտ ընկալման դեպքում աշակերտները հասկանում են, որ իրենք ազատ են եւ կաշկանդված չեն , նրանք առակների մոտիվներով նկարագարդումներ են կատարում, գրքեր են կազմում, երգեր են կատարում, հարստացնում են սեփական բառապաշարը, երբեմն բացահայտում իրենց տաղանդը:

Ծնողներից շատերը մտածում են, որ իրենց երեխայի համար կարևորագույն արժեքը, որ պիտի վերցնի դպրոցից, գիտելիքն է: Անհրաժեշտ է բացատրել Կանխագուշակումների աղյուսակ Իմաստավորման փուլում կարելի է կիրառել «Կանխագուշակումների աղյուսակ»¹⁵ մեթոդը, առակը կարդալ հատվածաբար եւ լրացնել աղյուսակը: Կշռադատման փուլում կիրառել «Հինգրուպեանոց շարադրանք» մեթոդը, եւ հանձնարարել աշակերտներին ներկայացնել ընտանիքի իրենց իդեալը: Կատարել ամփոփում եւ եւս մեկ անգամ անդրադառնալ թեմային:

Առակների բարոյախոսության ճիշտ ընկալման դեպքում աշակերտները հասկանում են, որ իրենք ազատ են եւ կաշկանդված չեն , նրանք առակների մոտիվներով նկարագարդումներ են կատարում, գրքեր են կազմում, երգեր են կատարում, հարստացնում են սեփական բառապաշարը, երբեմն բացահայտում իրենց տաղանդը:

Ծնողներից շատերը մտածում են, որ իրենց երեխայի համար կարևորագույն արժեքը, որ պիտի վերցնի դպրոցից, գիտելիքն է: Անհրաժեշտ է բացատրել նրանց, որ գիտելիքը դառնում է

երկրորդական, երբ մենք խոսում ենք մարդ դաստիարակելու, բարոյական արժեքների մասին: Մեզանից յուրաքանչյուրի գերխնդիրը պիտի լինի դաստիարակել խելացի, հայրենասեր, ժողովրդավար, հոգատար անհատներ, մարդիկ ովքեր կկառուցեն մեր երկրի վաղվա օրը:

Առակների ուսուցումը հսկայական մասնաբաժին ունի երեխաների մոտ այս արժեքները ձեւավորելու հարցում:

Թեմայի ուսուցման վերջնարդյունքները

Աշակերտները կկարողանան՝

- Բացատրել առակի այլաբանությունը:
- Առանձնացնել առակի գլխավոր միտքն ու ընթերցողին տրվող խրատը:
- Փոխել առակի բովանդակությունը, հավելել հերոսներ, հնարել նոր սկիզբ կամ ավարտ:
- Կգիտակցեն առակի դաստիարակչական դերը իրենց եւ շրջապատի կյանքում:

Կձևավորեն հետեւյալ կարողունակությունները՝

- Լեզվական գրագիտության կարողունակություն
- Սովորել սովորելու կարողունակություն
- Մեղիա գրագիտության կարողունակություն
- Ինքնաճանաչողական եւ սոցիալական կարողունակություն

ԵԶՐԱԿԱՑՈՒԹՅՈՒՆ

Առակը ժողովրդական բանահյուսության ամենասիրելի եւ հասկանալի ժանրերից է, որում ներկայացվում են ժողովրդի մտածելակերպը, սովորույթները, չարի ու բարու, լավի ու վատի մասին պատկերացումները:

Նրանում արտացոլվել են հասարակական ու սոցիալական կյանքում եղած բազմաթիվ երեւույթներ, բացահայտվել մարդկային հոգու եւ մտքի տվայտանքները, հեզնել են երկրի հոգեւոր ու աշխարհիկ տերերին, արտահայտել երջանիկ կյանքի երազանք: Առակներում այլաբանորեն, կենդանական, բուսական աշխարհի միջոցով, ներկայացվում են մարդկային կյանքի որոշակի կողմեր, գովերգվում են լավը եւ քննադատում՝ վատը:

Ինչպես նշեցինք հետազոտության սկզբում, մեր նպատակն էր առակների դասավանդումը ներկայացնել նորովի, այսինքն համագործակցային մեթոդներով եւ եւս մեկ անգամ արժեւորել դրանց դերը երեխաների մեջ ժողովրդավարական արժեհամակարգի ձեւավորման հարցում: Առակների դաստիարակչական, բարոյախրատական նշանակությունը հաշվի առնելով՝ կարելի է պնդել, որ նրանք մինչ այժմ պահպանել են իրենց արդիականությունը եւ դաստիարակչական հզոր զենք են ուսուցչի ձոռքին:

ԳՐԱԿԱՆՈՒԹՅԱՆ ՑԱՆԿ

1. Յուրի Ամիջանյան, Ա. Սահակյան. Մանկավարժություն(ուսումնական ձեռնարկ) << Մանկավարժ >> հրատարակչություն 2005թ. էջ 9
2. <<Հայոց լեզու և գրականություն >> ամսագիր 2013 թ. համար 4 (էջ 3 Դավիթ Գասպարյան)
3. Գրիգոր Գրիգորյան . Հայ ժողովրդական բանահյուսություն 1980 թ. էջ 288, էջ 300
4. Վիքիպեդիա
5. Դ. Գյուրջիյան , Թ. Ալեքսանյան . Մայրենի 5 2019թ. էջ142, 144,148,150
6. Եզոպոս Առակներ Երևան 1990թ.
7. Ուսուցման ժամանակակից մեթոդներ, հնարներ, վարժություններ ք. Վանաձոր 2008թ.